

Izvješće o radu Upravnog odbora BHRT-a za 2013. i dijela tekuće godine

Upravni odbor BHRT-a radio je u kontinuitetu tijekom 2013. Tri člana Upravnog odbora stupili su na dužnost u prosincu 2012. (Esad Gotovuša, Vladimir Marčeta i Valentina Rupčić), a članica iz reda ostalih Sanja Latinović u svibnju 2013. godine.

Upravni odbor BHRT-a u ovom sazivu preuzeo je dužnost u uvjetima nagomilanih problema koje je naslijedio od prethodnog Upravnog odbora.

To se odnosi na kontinuirani pad prihoda od RTV takse, nezavršeni proces restrukturiranja BHRT-a i neuspostavu Korporacije javnih RTV servisa u BiH, te niza drugih problema koji opterećuju rad ove medijske kuće. Svjesni smo da se finacijska situacija u BHRT-u pogoršava iako finacijski izvještaji za 2011, 2012. i 2013. pokazuju da je na kraju kalendarskih godina ostvarena dobit u poslovanju. Na samom početku mandata, Upravni odbor suočio se sa suspenzijom direktora BHT 1 što se odrazilo na rad i planiranje u sektoru TV emitiranja. Neizvjesno stanje i v.d. direktora na BHT 1 potrajalo je cijelu 2013. (Novi direktor Mario Vrankić izabran je prošli mjesec). Upravni odbor zahtijevao je da se postupi u skladu sa Zakonom i Statutom ne ulazeći u meritum slučaja. Tijekom 2013, Upravni odbor se fokusirao na sljedeća pitanja: poslovanje BHRT-a i insistiranje na donošenju adekvatnih sanacijskih programa, unapređivanje stupnja naplate RTV takse, postupak digitalizacije produkcijskih TV kapaciteta, uspostavu Korporacije javnih RTV servisa u BiH, realizaciju programskih planova itd.

- Tijekom 2013. održano je 12 sjednica na kojima je razmatrano više od stotinu pitanja iz nadležnosti Upravnog odbora koji su definirani članom 29. Zakona o javnom radiotelevizijskom servisu Bosne i Hercegovine (Sl. Glasnik BiH, 92/2005):

- Članovi Upravnog odbora nastojali su da u svom radu ostvare punu suradnju sa menadžmentom BHRT-a i relaksiraju odnose između Upravnog odbora s jedne i generalnog direktora s druge strane, koji su bili zategnuti u mandatu prethodnog UO.

- Primjetno je kašnjenje u donošenju ključnih dokumenata od strane menadžmenta. Tako su planovi za 2013. usvojeni tek 4. 2. 2013. (zakonski rok za usvajanje finacijskog plana i budžeta je 1. studeni tekuće godine), a taj rok nije ispoštovan ni u 2014. U 2014. ušlo se bez usvojenih planova.

- Finacijsko poslovanje BHRT-a bilo je u stalnom fokusu Upravnog odbora i zahtijevano je kontinuirano informiranje od strane menadžmenta. U cilju smanjivanja ukupnih troškova UO BHRT-a zaključkom je (4. 1. 2013) odredio da se sjednice Programskog savjeta održavaju četiri puta godišnje umjesto svakog mjeseca, što je dovelo do ušteda u visini od cca 30.000 KM. Pošto je u studenom 2013. istekao mandat Programskom savjetu, UO BHRT-a je ukinuo Programski savjet kao stalno tijelo. U skladu sa Zakonom, UO BHRT će prema potrebi tražiti angažirati ad hoc savjetodavne usluge, a posebnom odlukom će definirati zadatak i proračun.

- Prihvaćene su mjere generalnog direktora na planu štednje i racionalizacije poslovanja koje se odnose na zaustavljanje novog upošljavanja, smanjivanje troškova reprezentacije i putovanja u zemlji i inostranstvu, smanjivanje vanjske suradnje u visini od 30% odmah i daljih 50% od lipnja 2013. UO nije informiran u kojoj su mjeri realizirane navedene mjere.

Upravni odbor zatražio je donošenje cjelovitih mjera – donošenje Plana restrukturiranja i neophodnih akcijskih planova. U vezi s ovim aktivnostima korenspondiraju zaključci nadležnih komisija domova Parlamentarne skupštine BiH iz srpnja 2013. Napominjemo da Parlament nije prihvatio izvještaje o radu BHRT-a za 2011. i 2012. Upravni odbor insistirao je na realizaciji zaključaka parlamentarnih komisija

na više sjednica. Na sjednici u studenom prihvaćeni su materijali posloводства BHRT-a i tri dokumenta su upućena nadležnoj komisiji Zastupničkog doma.

Prema UO je bilo još upita iz Komisija oba doma Parlamenta BiH. UO je od menadžment BHRT-a tražio realizaciju istih.

Druga važna tema kojom se bavio Upravni odbor odnosila se na proces digitalizacije. Od veljače do kraja studenoga, Upravni odbor je vodio rasprave i tražio pojašnjenja oko procesa digitalizacije. Neinformiranje UO u ovom slučaju je dovelo do određenih problema, ali je krajem studenoga UO dao saglasnost Poslovodnom odboru da nastavi postupak digitalizacije.

U okviru svoje nadležnosti UO BHRT odobrava javne nabavke koje prelaze iznos od 10.000 KM. UO je zatražio da svaki zahtjev za javnu nabavku obavezno sadrži sinopsis i kratki scenario programskog sadržaja, proračun i odgovor zašto BHRT ne može realizirati konkretni sadržaj. Nažalost, ovaj zaključak od 4. 1. 2013. nije realizovan od strane poslovodnih struktura BHRT i sektora BHT 1.

SUDJELOVANJE U RADU ODBORA SISTEMA

UO BHRT pokušao je dinamizirati rad Odbora sistema inicirajući održavanje tematskih sjednica o tri ključna pitanja što je i prihvaćeno - uspostava Korporacije, iznalaženje novog modela ubiranja RTV takse, i digitalizacija RTV produkcije. Upravni odbor BHRT-a podržao je dva prijedloga Statuta Korporacije. Problem takse bio je tema svih šest sjednica Odbora sistema (i UO BHRT-a), koliko ih je održano u 2013. Konstatirano je alarmantno stanje izazvano padom prihoda koje ubiru tri telekom operatera, ali Odbor sistema nije ponudio adekvatan model samoodrživog finansiranja tri javna emitera i novi model ubiranja RTV takse.

Odbor sistema bez Korporacije radi samo u dijelu kapaciteta koji se odnosi na RTV taksu i programsku koordinaciju. Ključna nadležnost Odbora sistema je funkcija Upravnog odbora Korporacije, koja sada izostaje. Neuspostavljanje Korporacije je naslijeđeni problem koji je aktuelan od donošenja Zakona o sistemu i BHRT-a od 2005.

Zaključak i dalje unapređenje rada

UO BHRT-a svjestan je da se finansijska situacija i dalje pogoršava u 2014. S tim u vezi, u fokus svog rada stavit će restrukturiranje BHRT-a i finansijsku konsolidaciju, racionalizaciju poslovanja i unapređivanje programa. U tom smislu, insistirat će se na potpunom informiranju UO od strane generalnog direktora i posloводства. Izvršavajući svoju zakonsku ulogu, posebno u dijelu nadležnosti koja se odnosi na nadzor u smislu da „prati i kontrolira zakonitost i uspješnost rada BHRT“, Upravni odbor zaoštrit će pitanje odgovornosti za izvršavanje usvojenih zaključaka. Poslovodnim strukturama pružit će se pomoć i podrška u iznalaženju adekvatnih rješenja za konsolidaciju poslovanja, a potom će se tražiti i adekvatna suradnja izvršne i zakonodavne vlasti. UO BHRT-a je svjestan da se bez uspostave Korporacije dovodi u pitanje sistem javnog emitiranja i uspješnost procesa digitalizacije. U slučaju blokade na uspostavi Korporacije, UO BHRT-a će upoznati zakonodavca i poduzeti mjere koje će ublažiti posljedice po rad BHRT. U tom smislu, UO će zatražiti od generalnog direktora uređivanje odnosa sa RTV FBiH na fer osnovi, pokušaju nagodbe za sudski spor s RTV FBiH i prihvatljivog cjenovnika za produkcijske i logističke usluge u RTV Domu.

Vladimir Marčeta,
predsjedavajući UO BHRT-a i Odbora sistema JRTS BiH